

Frumvarp til laga

um breytingu á lögum um tekjuskatt og lögum um virðisaukaskatt (skattafsláttur sjálfboðaliða).

Flm.: Gísli Rafn Ólafsson, Andrés Ingi Jónsson,
Arndís Anna Kristínardóttir Gunnarsdóttir, Ásthildur Lóa Þórssdóttir,
Björn Leví Gunnarsson, Eyjólfur Ármannsson, Guðmundur Ingi Kristinsson,
Inga Sæland, Jakob Frímann Magnússon, Lenya Rún Taha Karim,
Tómas A. Tómasson, Þórhildur Sunna Ævarsdóttir.

I. KAFLI Breyting á lögum um tekjuskatt, nr. 90/2003.

1. gr.

Við A lið 30. gr. laganna bætist nýr töluliður, svohljóðandi: Frá tekjum einstaklinga sem taka þátt í sjálfboðastarfí á vegum lögaðila sem skráður er í almannuheillaskrá hjá Skattinum á grundvelli c liðar 2. mgr. 4. tölul. 4. gr. má draga 675 kr. fyrir hverja klukkustund sem einstaklingur ver í sjálfboðastarfí til almannuheilla. Til sjálfboðastarfs telst þjálfun, þátttaka í æfingum og námskeiðum og útköll á vegum lögaðila sem skráður er í almannuheillaskrá hjá Skattinum á grundvelli c liðar 2. mgr. 4. tölul. 4. gr. Skattafsláttur sjálfboðaliða er að hámarki 500.000 kr. ár hvert og er ekki millifærarlegur á milli hjóna eða sambúðarfólks.

Fjárhæð skattafsláttar fyrir hverja klukkustund og árlegt hámark skal uppfærast árlega með tilliti til breytinga á vísítolu neysluverðs.

Lögaðili sem skráður er í almannuheillaskrá hjá Skattinum á grundvelli c liðar 2. mgr. 4. tölul. 4. gr. skal við lok hvers árs sem hann er þar skráður veita Skattinum, á því formi sem Skatturinn ákvæður, upplýsingar um þann tímafjölda sem hver einstaklingur hefur það ár varið í sjálfboðastarf á hans vegum.

Ráðherra er heimilt að setja reglugerð á grundvelli ákvæðis þessa.

II. KAFLI Breyting á lögum um virðisaukaskatt, nr. 50/1988.

2. gr.

Á eftir 8. mgr. 42. gr. laganna kemur ný málsgrein, svohljóðandi:

Endurgreiða skal einstaklingum virðisaukaskatt af kaupum á björgunarbúnaði sem ætlaður er fyrir starfsemi björgunarsveita. Endurgreiðslan skal gerð á grundvelli framlagðra reikninga. Ráðherra setur með reglugerð nánari ákvæði um framkvæmd þessara endurgreiðslna.

3. gr.

Lög þessi öðlast gildi 1. janúar 2024.

Greinargerð.

Málið var flutt á 153. löggjafarþingi (138. mál) og er nú endurflutt óbreytt. Björgunarsveitir landsins vinna þróttmikið starf í þágu þjóðar. Fagmennska íslenskra björgunarsveita á sér fáar hliðstæður og hefur vakið eftirtekt á heimsvísu. Björgunarsveitirnar búa yfir gríðarlegri sérþekkingu sem þær hafa aflað víða. Það er því mikilvægt að hlúa að því góða starfi sem hefur byggst upp hérlandis á undanförnum áratugum. Eins hefur hlutverk mannúðar og líknarstarfsemi aukist jafnt og þétt undanfarin ár.

Með frumvarpi þessu er lagt til að þeir einstaklingar sem sinna sjálfboðastarfí til almannuheilla skuli eiga rétt á tekjuskatt safslætti sjálfboðaliða. Hugmyndin á sér rætur að rekja til sambærilegs skattafsláttar og tiðkast í Bandaríkjum.

Undanfarin ár hefur reynst erfðara fyrir björgunarsveitir og önnur samtök sem vinna í þágu almannheilla að afla nýrra sjálfboðaliða sem og að halda sjálfboðaliðum virkum. Kostnáður sjálfboðaliða hefur sífellt hækkað, svo sem vegna búnaðar, þátttöku á æfingum o.fl. Frumvarpi þessu er ætlað að koma til móts við þennan kostnað sjálfboðaliða og þar með hvetja fólk til þess að taka þátt í sjálfboðaliðastarfí til almannheilla. Þá má einnig nefna að álag á björgunarsveitir hefur aukist töluvert undanfarin ár vegna stóraukins fjölda ferðamanna.

Þar sem störf sjálfboðaliða eru alfarið unnin í sjálfboðavinnu þykir réttara að útfæra endurgreiðslu til þeirra í formi skattafsláttar frekar en í formi beinna launagreiðslna. Samtök sem starfa í þágu almannheilla halda vel utan um þátttöku á æfingum og aðgerðum í gegnum svokallaðan aðgerðagrunn. Því væri unnt með einföldum hætti að afla tímaskýrslna þegar skattárið er gert upp.